

## CYNGOR SIR YNYS MÔN

<b>ADRODDIAD I:</b>	<b>Y PWYLLGOR GWAITH</b>
<b>DYDDIAD:</b>	<b>14 CHWEFROR 2017</b>
<b>TESTUN:</b>	<b>DEFNYDDIO ARIAN WRTH GEFN A BALANSAU</b>
<b>DEILIAD/DEILIAID PORTFFOLIO:</b>	<b>Y CYNGHORYDD H E JONES</b>
<b>PENNAETH GWASANAETH:</b>	<b>MARC JONES (EST. 2601)</b>
<b>AWDUR YR ADRODDIAD:</b>	<b>Marc Jones</b>
<b>FFÔN:</b>	<b>EST. 2601</b>
<b>E-BOST:</b>	<b>rmjfi@ynysmon.gov.uk</b>
<b>AELODAU LLEOL:</b>	<b>Dim yn berthnasol</b>

### A - Argymhelliad/argymhellion a rheswm/rhesymau

#### 1. PWRPAS YR ADRODDIAD

1.1 Bydd yr adroddiad yn nodi asesiad y Swyddog Adran 151 ar lefel balansau cyffredinol a chronfeydd wrth gefn ar gyfer 2017/18 ac yn gwneud argymhellion mewn perthynas â chlustnodi balansau cyffredinol i'w defnyddio yn ystod 2017/18.

#### 2. ARGYMHELLION

- I nodi y polisi cyffredinol ynglŷn â balansau a chronfeydd a fabwysiadwyd ar 1 Mawrth 2016, fel y nodir hynny yn Atodiad A;
- Pennu isafswm balansau cyffredinol o £6m ar gyfer 2017/18 yn unol ag asesiad y Swyddog Adran 151;
- Cadarnhau parhad y cronfeydd presennol a glustnodwyd.

### B - Pa opsiynau eraill a ystyriwyd gennych a pham y bu i chi eu gwrthod a/neu ddewis yr opsiwn hwn?

Ni ystyriwyd unrhyw opsiwn arall - nid oedd hynny'n briodol yn yr achos hwn.

### C - Pam mai'r Pwyllgor Gweithredol fydd yn penderfynu ar hyn?

Mae'r Cyfansoddiad yn ei gwneud yn ofynnol i'r Pwyllgor Gwaith gyflwyno ei gynigion ar y gyllideb terfynol cyn i'r Cyngor ei hystyried.

### CH - A yw'r penderfyniad hwn yn gyson â'r polisi a gymeradwywyd gan y Cyngor Llawn?

D/B

### D - A yw'r penderfyniad hwn o fewn y gyllideb a gymeradwywyd gan y Cyngor?

D/B

### DD - Gyda phwy y bu i chi ymgynghori? Beth oedd ganddynt i'w ddweud?

	Gyda phwy y bu i chi ymgynghori?	Beth oedd ganddynt i'w ddweud?
1	Prif Weithredwr / Tîm Arweinyddiaeth Strategol (TAS) (gorfodol)	
2	Cyllid / Adran 151 (gorfodol)	Ddim yn berthnasol - adroddiad gan y Swyddog Adran 151 yw hwn
3	Cyfreithiol / Swyddog Monitro (gorfodol)	Dim sylw
4	Adnoddau Dynol (AD)	
5	Eiddo	
6	Technoleg Gwybodaeth a Chyfathrebu (TGCh)	
7	Craffu	
8	Aelodau Lleol	
9	Unrhyw gyrff allanol / eraill	

<b>E - Risgiau ac unrhyw liniaru (os yn berthnasol)</b>	
<b>1</b>	<b>Economaidd</b>
<b>2</b>	<b>Gwrthdodi</b>
<b>3</b>	<b>Troseddu ac Anhrefn</b>
<b>4</b>	<b>Amgylcheddol</b>
<b>5</b>	<b>Cydraddoldebau</b>
<b>6</b>	<b>Cytundeb Canlyniadau</b>
<b>7</b>	<b>Arall</b>
<b>F - Atodiadau:</b>	
<p>Atodiad A - Polisi cyffredinol arfaethedig ynglŷn â Chronfeydd a Balansau  Atodiad B – Balansau hyd yma</p>	
<b>FF - Papurau cefndirol (cysylltwch ag awdur yr Adroddiad i gael rhagor o wybodaeth):</b>	

## DDEFNYDDIO BALANSAU CYFFREDINOL A CHRONFEYDD WRTH GEFN

### 1. PWRPAS YR ADRODDIAD

- 1.1. Mae Adrannau 32 a 43 Deddf Cyllid Llywodraeth Leol 1992 yn ei gwneud yn ofynnol i Awdurdodau Lleol ystyried lefel y cronfeydd sydd ei angen ar gyfer gwariant a amcangyfrifir yn y dyfodol wrth gyfrifo anghenion y gyllideb. Mae Adran 25 Deddf Llywodraeth Leol 2003 yn ei gwneud yn ofynnol i'r Swyddog Adran 151 adrodd yn ffurfiol ar gadernid yr amcangyfrifon a digonolrwydd y cronfeydd arfaethedig pan bennir gofynion y gyllideb ac i sicrhau bod yna brotocolau allweddol ar gyfer eu pennu a'u defnyddio.
- 1.2. Bydd yr adroddiad yn nodi asesiad y Swyddog Adran 151 ar lefel balansau cyffredinol a chronfeydd ar gyfer 2017/18 ac yn gwneud argymhellion mewn perthynas â chlustnodi balansau cyffredinol i'w defnyddio yn ystod 2017/18.

### 2. POLISI AR GRONFEYDD A BALANSAU

- 2.1. Yn ychwanegol at y balansau cyffredinol, mae'r Cyngor yn dal nifer o gronfeydd ar ei fantolen. Pwrpas y cronfeydd hyn yw talu am gost prosiectau a gynllunnir neu ar gyfer ariannu eitemau penodol o wariant pryd bynnag fo angen gwneud hynny.
- 2.2. Mae'r ddogfen a atodir fel Atodiad A yn nodi'r egwyddorion cyffredinol a'r polisi mewn perthynas â phenderfynu ar lefel cronfeydd a balansau digonol a sut y defnyddir cronfeydd.

### 3. BALANSAU CYFFREDINOL

- 3.1. Ar 31 Mawrth 2016, lefel y balansau cyffredinol oedd £8.886m, oedd yn gynydd o £1.693m ers y flwyddyn flaenorol.
- 3.2 Yng nghyllideb 2016/17, crëwyd cronfa o £1m o'r balansau cyffredinol er mwyn ariannu prosiectau unigol ag oedd gyda'r modd i greu arbedion effeithlonrwydd i'r Awdurdod. Derbyniwyd 29 cais busnes gan adrannau ac, ar ôl asesiad gan banel, yr Uwch Dîm Arweinyddiaeth a Chynghorwyr, cafwyd 9 cais ei cymeradwyo gyda gweth o £937,800.
- 3.3 Fel y nodir yn Atodiad A, paragraff 5, bydd angen i'r Swyddog Adran 151 asesu nifer o risgiau wrth benderfynu ar lefel y balansau cyffredinol sydd ei hangen. Ystyrir y risgiau isod:-
  - **Gwasgfeydd Costau yn y Dyfodol** - Wrth i gyllidebau gael eu tocio, mae gallu gwasanaethau unigol i ddefnyddio unrhyw gapasiti wrth gefn o fewn eu cyllidebau presennol er mwyn mynd i'r afael â gwasgfeydd costau annisgwyl yn llawer llai a, phan fo gwasgfeydd costau yn digwydd, y balansau cyffredinol fydd yn cael eu defnyddio i fynd i'r afael â'r gwasgfeydd yma. Ar hyn o bryd mae'r Cyngor yn wynebu gwasgfa ar y gyllideb yn ystod 2016/17, a hynny'n fwyaf amlwg mewn perthynas â Gwasanaethau Plant, Oedolion ac Addysg. Mae'r setliad gwell na'r disgwyl wedi galluogi'r Cyngor i fynd i'r afael â'r gwasgfeydd costau yma yng nghyllideb 2017/18, sy'n lleihau'r risg o orfod defnyddio mwy o'r balansau cyffredinol. Mae hon yn sefyllfa sydd angen ei hadolygu'n rheolaidd.
  - **Arbedion** - Mae cyllideb 2017/18 yn cynnwys pecyn arbedion o £2.44m. Mae'r arbedion arfaethedig wedi cael eu herio ac arweiniodd hynny at beidio â chynnwys dros £456k o arbedion arfaethedig yng nghyllideb arfaethedig 2017/18, oherwydd ystyriwyd na ellid eu gwireddu yn ystod 2017/18. Er bod yna risg na fydd yr holl arbedion yn cael eu cyflawni, dylai'r broses herio sydd wedi cael ei chynnal sicrhau bod y risg yn cael ei lleihau ac na fydd unrhyw alwadau dilynol sylweddol ar y balansau cyffredinol.

- **Chwyddiant a Chyfraddau Llog** - Mae cyllideb 2017/18 wedi tybio mai isel fydd y lefelau chwyddiant a chyfraddau llog. Mae dyfyrniadau hysbys cyflogau 1% a chwyddiant contractau wedi cael eu cynnwys yn y gyllideb. Mae chwyddiant o 1% wedi cael ei gynnwys o dan holl benawdau eraill y gyllideb ond am incwm, 3% o chwyddiant. Mae'r lefel chwyddiant bresennol yn 1.6%, a ragwelir fydd yn cynyddu ymhellach yn ystod 2017/18 ond mae'r rhagolygon yn amrywio a bydd hyn yn ddibynnol ar perfformiad yr economi ar ôl Brexit. Ar hyn o bryd 0.25% yw'r gyfradd llog sylfaenol ac, eto, nid yw'n debygol o godi yn y dyfodol rhagweladwy. Felly, asesir mai bychan yw'r risg o gynydd sylweddol o ran chwyddiant neu gyfraddau llog ac y bydd y cyllidebau presennol yn ddigonol ar gyfer delio ag unrhyw gynydd fydd yn digwydd yn ystod 2017/18.
  - **Incwm** - Mae sicrhau bod cyllidebau incwm yn cael eu gwireddu bob amser yn anodd eu gwarantu, yn arbennig mewn perthynas â gwasanaethau dewisol pan fo cwsmeriaid yn gallu dewis prynu'r gwasanaeth neu beidio. Mae'r broses o bennu cyllideb 2017/18 wedi adolygu tueddiadau incwm real ac mae cyllidebau incwm wedi cael eu hail-alinio pan ystyriwyd y byddai'r gwir incwm yn sylweddol is na'r gyllideb. Ni ellir anwybyddu'r risg na fydd targedau incwm yn cael eu cyrraedd ac y gallai hynny olygu y byddai'r gwariant net yn uwch na'r gyllideb gyffredinol, ac y byddai'r balansau cyffredinol wedyn yn gorfod talu am y diffyg hwnnw.
  - **Hanes** - Ers 2010/11, mae'r Cyngor wedi tanwario ei gyllideb referniw net yn ystod 3 o'r 5 mlynedd, a bu cynnydd o £5.796m yn 2012 i £8.886m yn 2016 yn y balans cyffredinol. Mae hyn yn cadarnhau bod y trefniadau rheoli cyllideb yn gyffredinol gadarn, a bod y risg o orwario sylweddol yn erbyn cyllidebau yn isel, er y cydnabyddir bod y risg hon yn cynyddu wrth i gyllidebau gael eu tocio.
  - **Sefyllfa Ariannol Gyffredinol y Cyngor** - Mae sefyllfa ariannol gyffredinol y Cyngor yn dda ar hyn o bryd gyda lefel iach o falansau cyffredinol a chronfeydd wedi'u clustnodi. Mae'r rhaglen gyfalaf yn y dyfodol wedi ei hariannu ac mae Gofynion Ariannu Cyfalaf y Cyngor tua £28m yn is na'r ffin weithredol, ac yn £33m yn is na'r terfyn statudol a ganiateir.
- 3.4** Nid oes yna reol gadarn mewn perthynas â lefel y balansau cyffredinol y dylai'r Cyngor ei gynnal, er bod rheol gyffredinol yn bodoli sy'n awgrymu y dylai lefel balansau cyffredinol fod yn 5% o'r gyllideb referniw net, ac eithrio'r gyllideb ysgolion ddirprwyedig. Fodd bynnag, oherwydd Balansau Ysgolion sy'n disbyddu, mae'r cyfrifyddu ar gyfer lefel 2017/18 yn cynnwys cyllideb ysgolion dirprwyedig. Yn seiliedig ar gyllideb arfaethedig 2017/18, byddai angen i falans y cronfeydd cyffredinol fod tua £6m, sy'n £2m yn is na'r balans sy'n cael ei ragamcanu ar gyfer 31 Mawrth 2017.
- 3.5** Mae cynnal balansau cyffredinol yn rhoi sicrwydd ariannol i'r Cyngor, ond mae cynnal balansau heb angen yn golygu nad yw adnoddau ariannol yn cael eu defnyddio'n effeithiol. Ar ôl asesu'r risgiau ariannol sylfaenol sy'n wynebu'r Cyngor, yr hyblygrwydd cyfyngedig sydd gan ddeiliaid cyllidebau bellach wrth reoli eu cyllidebau a'r angen i ryddhau arian er mwyn gwireddu arbedion effeithlonrwydd, rwy'n asesu y dylid pennu isafswm balansau cyffredinol o £6m. Dylid cynnal asesiad arall yn ddiweddarach yn ystod blwyddyn ariannol 2017/18 i weld a yw'n bosibl rhyddhau mwy o arian o'r balansau cyffredinol ar ôl cwblhau cyfrifon 2016/17
- 3.6** Mae'r gyllideb arfaethedig terfynol yn cynnwys gostyngiad yn lefel y cronfeydd wrth gefn cyffredinol i £280k. Er ni ddisgwylir bydd y costau na ragwelir sy'n codi yn ystod y flwyddyn yn uwch na hyn, mae risg y bydd hyn yn digwydd. Fel rhan o'r gyllideb arfaethedig, mae'r Pwyllgor Gwaith yn gofyn am y pŵer dirprwyedig i ddefnyddio £200k ychwanegol o'r balansau cyffredinol.

## 4. CRONFEYDD A GLUSTNODWYD

4.1 Mae Cronfeydd a Glustnodwyd yn perthyn i categorïau penodol, fel a ganlyn:-

- Cronfeydd Cyfalaf - y cronfeydd sydd eu hangen ar gyfer ariannu'r rhaglen gyfalaf;
- Cronfeydd Cyfyngedig - y cronfeydd sydd eu hangen i dalu am gostau posibl yn y dyfodol, mae'r defnydd ohonynt yn cael ei gyfyngu i bwrpas penodol ac ni ellir eu rhyddhau at unrhyw ddiben arall, cronfeydd gaiff eu dal gan y Cleient ar ran trydydd parti neu gronfa sy'n gysylltiedig â'r gyllideb ysgolion ddirprwyedig ac na ellir ei hailddyrrannu;
- Cronfa CRT - cronfeydd sy'n cael eu neilltuo ar gyfer y CRT;
- Cronfa Yswiriant - cronfa sydd ei hangen ar gyfer talu am gost unrhyw golledion anyswriedig a thaliadau dros ben y polisi fydd i'w talu gan y Cyngor;
- Cronfeydd Dal Grantiau - cronfeydd sy'n dal swm unrhyw grant a dderbyniwyd nad yw wedi cael ei ddefnyddio;
- Cronfeydd a Glustnodwyd - Cronfeydd sydd wedi'u clustnodi i wasanaethau ar gyfer cynnal prosiectau penodol.

4.2 Dangosir balans y cronfeydd wedi'u clustnodi ar 31 Mawrth 2016 a'r balans rhagamcanedig ar gyfer 31 Mawrth 2017 ar gyfer pob un o'r categorïau yn Nhabl 1 isod (atodir dadansoddiad llawn o bob categori fel Atodiad B).

Tabl 1

### Crynodeb o Falansau Cronfeydd a Glustnodwyd

Categori'r Gronfa	Balans ar 31 Mawrth 2016 £	Newid yn Ystod 2016/17 £	Balans Rhagamcanedig ar gyfer 31 Mawrth 2017 £
Cyfalaf	899,000	46,934	945,934
Cyfyngedig	5,133,817	-377,583	4,756,234
Arfarnu Swyddi a Thâl Cyfartal	3,635,000	-2,948,088	686,912
Yswiriant	1,250,000	0	1,250,000
Dal Grantiau	1,997,679	-1,625,134	372,545
A Glustnodwyd	3,076,293	522,404	3,598,697
<b>CYFANSWM</b>	<b>15,991,789</b>	<b>-4,381,466</b>	<b>11,610,323</b>

4.3 Bydd cynnydd o £46k yn y gronfa gyfalaf o ganlyniad i ddau daliad o £30k a £16k, benthyciadau mewnol am gitars newydd.

4.4 Mae'r gronfa gyfyngedig yn cynnwys nifer o gronfeydd unigol sylweddol, yn arbennig cronfa Safle Penhesgyn £2m, Cronfa Gwaith Trin Gwastraff Gogledd Cymru o £1.3m, cronfa Addysg ysgolion o £1.2m. Bydd cronfa Gwaith Trin Gwastraff Gogledd Cymru yn cael ei defnyddio yn y dyfodol agos oherwydd arwyddo'r cytundeb Gwaith Trin. Bydd cronfeydd Addysg yn cael eu defnyddio'n rhannol yn selidedig ar y flwyddyn academaidd. Nid yw'n debygol y bydd Cronfa Reoli Safle Penhesgyn yn cael ei defnyddio yn ystod 2016/17, ond bydd angen cynnal y gronfa hon er mwyn talu am unrhyw gostau posibl yn y dyfodol.

- 4.5** Mae'r Rheolwr Risg ac Yswiriant wedi asesu bod angen £1.25m er mwyn sicrhau bod digon ar gael i dalu am golledion anyswriedig posibl a thaliadau dros ben. Fodd bynnag, hysbyswyd y Cyngor yn 2015/16 y bydd ardoll ychwanegol yn cael ei godi ar y Cyngor o bosibl fel cyfraniad tuag at gost hawliadau yn y dyfodol mewn perthynas ag Yswiriant Municipal Mutual. Nid yw hyn wedi digwydd hyd hyn.
- 4.6** Mae Cronfa CRT yn cael ei gwarchod ac ni ellir ei defnyddio ond i ariannu gwariant mewn perthynas â'r CRT. Nid yw'n debygol y bydd y cronfeydd yn cael eu defnyddio yn ystod 2017/18.

## **5. ARGYMHELLION**

**5.1** Gofynnir i'r Pwyllgor Gwaith gymeradwyo'r argymhellion canlynol:-

- 1.** Nodi'r polisi cyffredinol ynglŷn â balansau a chronfeydd fel y nodir hynny yn Atodiad A;
- 2.** Pennu isafswm balansau cyffredinol o £6m ar gyfer 2017/18 yn unol ag asesiad y Swyddog Adran 151;
- 3.** Cadarnhau parhad y cronfeydd presennol a glustnodwyd, Atodiad B.

**POLISI CYFFREDINOL AR GRONFEYDD A BALANSAU****1. Pwrpas**

Mae'n ofynnol i Ynys Môn gynnal cronfeydd ariannol digonol er mwy bodloni anghenion y sefydliad. Pwrpas y polisi hwn yw nodi'r trefniadau llywodraethu ar gyfer Defnyddio Cronfeydd a Balansau er mwyn sicrhau eu bod yn rhoi i'r Cyngor yr hyblygrwydd sydd ei angen arno, a hefyd er mwyn sicrhau y'u defnyddir i ychwanegu gwerth i'r sefydliad.

**2. Cyd-destun Rheoleiddiol**

Mae Adrannau 32 a 43 Deddf Cyllid Llywodraeth Leol 1992 yn ei gwneud yn ofynnol i Awdurdodau Lleol ystyried lefel y cronfeydd sydd ei angen ar gyfer gwariant a amcangyfrifir yn y dyfodol wrth gyfrifo anghenion y gyllideb.

Nid oes yna isafswm cronfeydd penodol y dylai awdurdod ei ddal, ac mae Adran 25 Deddf Llywodraeth Leol 2003 yn ei gwneud yn ofynnol i'r Swyddog Adran 151 adrodd yn ffurfiol ar ddigonolrwydd y cronfeydd arfaethedig pan bennir gofynion y gyllideb ac i sicrhau bod yna brotocolau allweddol ar gyfer eu pennu a'u defnyddio.

Mae'r polisi hwn yn nodi'r fframwaith ar gyfer defnyddio a rheoli cronfeydd defnyddiadwy, yn unol â Chôd Ymarfer Cyfrifyddu Awdurdod Lleol yn y Deyrnas Unedig: Datganiad o'r Arfer a Argymhellir (CIPFA/LASAAC) ac y cytunir ag ef mewn polisïau cyfrifyddu.

**3. Mathau o Gronfeydd.**

Gellir categorio cronfeydd refeniw defnyddiadwy mewn dwy ffordd:-

Cronfeydd cyffredinol wrth gefn ar gyfer lliniaru effaith digwyddiadau annisgwyl neu argyfyngau; a

Chronfeydd a Glustnodwyd sydd, fel arfer, yn cael eu cynyddu er mwyn talu am rwymedigaethau hysbys neu rwymedigaethau a ragwelir.

Fel arfer caiff Cronfeydd Refeniw a Glustnodwyd eu creu a'u dal am un o'r pum prif reswm isod:-

- i. Adnewyddu – er mwyn galluogi gwasanaethau i gynllunio ac ariannu rhaglen effeithiol o adnewyddu cerbydau ac offer a gwaith cynnal a chadw eiddo a gynllunnir. Mae'r cronfeydd hyn yn fecanweithiau ar gyfer hwyluso gwariant fel y gellir cyflawni rhaglen adnewyddu resymol heb yr angen i amrywio cyllidebau.
- ii. Tanwariant a ddygir ymlaen - mae rhai gwasanaethau yn ymrwymo gwariant i brosiectau, ond heb allu gwario'r gyllideb yn ystod y flwyddyn. Defnyddir y cronfeydd fel mecanwaith i gario'r adnoddau hyn ymlaen.
- iii. Cyfrifon masnachu - mewn rhai achosion, cedwir gwargedion ar gyfer buddsoddi yn y dyfodol.
- iv. Cronfa Yswiriant - er mwyn talu am yr hawliadau sy'n cael eu rhagamcanu yn y dyfodol er mwyn galluogi'r Cyngor i dalu am y taliadau dros ben nad yw'r yswiriant yn atebol amdanynt.
- v. Bydd cronfeydd eraill a glustnodwyd yn cael eu sefydlu o dro i dro er mwyn talu am rwymedigaethau hysbys neu rwymedigaethau a ragamcanir, er enghraifft, pwysau ar alwadau cyllidebau a ragamcanir yn y dyfodol.

Er bod cronfeydd a glustnodwyd yn cael eu sefydlu at ddiben penodol, mae cronfeydd cyffredinol yn gronfeydd na chyfyngir ar y defnydd a wneir ohonynt. Gellir defnyddio cronfeydd o'r fath i liniaru effaith pwysau sylweddol o un flwyddyn i'r llall, i wrthbwysu'r gofynion ar y gyllideb yn ystod y flwyddyn, a lliniaru risgiau digwyddiadau annisgwyl neu argyfyngau.

Hefyd, gellir defnyddio cronfeydd cyffredinol er mwyn cefnogi buddsoddiadau a ddyluniwyd i sicrhau mwy o arbedion yn y gyllideb sylfaenol.

#### 4. Rheoli Cronfeydd

Mae'r Cyngor yn cydnabod yr angen i ddal a chynnal cronfeydd, ond mae hefyd yn cydnabod, drwy ddal a chynyddu cronfeydd, bod y Cyngor yn clustnodi adnoddau rhag cael eu defnyddio at ddibenion eraill posibl ac, o ganlyniad i hynny, mae yna 'gost cyfle' sy'n gysylltiedig â dal balansau fel cronfeydd. Oherwydd hyn, mae'n bwysig sefydlu fframwaith eglur, a adolygir yn rheolaidd, y gellir ei defnyddio i reoli'r cyfryw cronfeydd.

Mae rheoli cronfeydd ariannol yn elfen allweddol o strategaeth ariannol gyffredinol y Cyngor, ac mae iddi ddau amcan allweddol:-

- Cynnal cyllidebau sefydlog a chynaliadwy drwy gydol y tymor canolig; a
- Sicrhau bod cronfeydd yn canolbwyntio'n effeithiol ar flaenoriaethau.

Mae'r gydnabyddiaeth a roddir i'r angen i reoli risg yn tanategu'r broses o wireddu'r amcanion hyn. Gall hyn fod yn fwy o risg o ansefydlogrwydd mewn tybiaethau cynllunio wrth i'r cyfnod economaidd ansicr barhau, neu'r risg i gyllideb Llywodraeth Cymru o ganlyniad i adolygiadau cyllido sylweddol yn y dyfodol. Fodd bynnag, efallai bydd y busnes am gymryd mwy o risgiau busnes drwy fabwysiadu dulliau arloesol o ddarparu gwasanaethau er mwyn cyrraedd targedau anodd mewn perthynas ag arbedion. Po fwyaf y risgiau, y mwyaf yw'r cronfeydd y mae'r Cyngor yn debygol o fod angen dal gafaél arnynt er mwyn lliniaru yn erbyn hynny. Mae'n rhaid i werthfawrogi risgiau o'r fath fod yn flaenllaw yn ystyriaethau'r Swyddog Adran 151.

#### 5. Mesur y Cronfeydd Angenrheidiol

Mae pennu lefel y cronfeydd cyffredinol yn un o nifer o benderfyniadau cysylltiedig wrth ffurfio'r Cynllun Ariannol Tymor Canolig (CATC) a'r gyllideb flynyddol. Wrth wneud y penderfyniad hwn mae angen ystyried y risgiau strategol, gweithredol ac ariannol sy'n wynebu'r Awdurdod. Yn benodol, mae'r CATC yn ei gwneud yn ofynnol i'r Cyngor sefydlu a chynnal cronfeydd cyffredinol i dalu am y risgiau ariannol allweddol fydd yn ei wynebu.

Bydd angen i'r Swyddog Adran 151 ystyried nifer o ffactorau wrth benderfynu ar union lefelau'r cronfeydd, ac mae nifer ohonynt yn golygu asesu risg y tybiaethau sy'n gynwysedig yn y gyllideb a'r CATC, yn ogystal â sefyllfa ariannol y Cyngor a sut y rheolir ei arian.

Nodir y ffactorau allweddol isod:-

Rhagdybiaethau'r Gyllideb;

Sefyllfa ariannol a rheoli ariannol;

Gofynion cyffredinol ar y llif arian, tebygolrwydd mewn perthynas â chwyddiant a chyfraddau llog;

Sefyllfa ariannol gyffredinol y Cyngor (lefel y benthyciadau, dyled a.y.y.b.);

Amcangyfrif o lefel ac amseru'r derbyniadau cyfalaf;

Hanes y Cyngor mewn perthynas â rheoli cyllideb a rheoli ariannol, yn cynnwys cadernid ei gynlluniau tymor canolig;

Ystod posibl costau gwasanaethau sy'n seiliedig ar alw;

Capasiti'r Cyngor i reoli pwysau ar y gyllideb yn ystod y flwyddyn;

Arbedion effeithlonrwydd a gynlluniwyd / enillion cynhyrchiant;

Cryfder y wybodaeth ariannol a'r trefniadau adrodd;

Y risgiau ariannol sy'n rhan annatod o unrhyw bartneriaethau cyllido newydd sylweddol;

Trefniadau allanol mawr neu ddatblygiadau cyfalaf mawr;

Trosglwyddiad y Cyngor a'r gweithdrefnau diwedd blwyddyn mewn perthynas â than/gorwariant yn y gyllideb;

Argaeledd cronfeydd eraill er mwyn talu am hapddigwyddiadau mawr a digonolrwydd darpariaethau;

Digonolrwydd trefniadau yswiriant y Cyngor er mwyn talu am risgiau anrhagweladwy mawr.

Bydd gwerthusiad gwrthrychol o'r ffactorau yn cael ei gynnal bob blwyddyn er mwyn penderfynu ar lefel ddarvoudus cronfeydd cyffredinol yn seiliedig ar asesiad o'r ffactorau uchod. Fodd bynnag, mae lefel derfynol y cronfeydd yn y pen draw yn ddarostyngedig i farn y Swyddog Adran 151, gan ystyried yr holl ffactorau perthnasol.

Fel rhan o'r argymhellion cyllideb blynyddol i'r Cyngor, bydd y Swyddog Adran 151 yn amlygu'r symiau sy'n cael eu neilltuo ar gyfer y cronfeydd.

## **6. Cynyddu Cronfeydd**

Petai'r Swyddog Adran 151 yn ystyried y dylid cynyddu lefel y Cronfeydd Cyffredinol, byddai hynny'n cael ei gyflawni fel rhan o'r broses o bennu cyllideb, gan bennu dyraniad o'r gyllideb flynyddol er mwyn cyrraedd lefel y balans a ddymunir. Dylai cyfraniadau i ac o'r Cronfeydd Cyffredinol gael eu hadolygu'n flynyddol. Bydd hyn yn ychwanegol at unrhyw symiau fydd eu hangen i ailgyflenwi'r cronfeydd sydd wedi cael eu defnyddio yn ystod y flwyddyn flaenorol, er mwyn cynnal isafswm lefel y cronfeydd.

Bydd cronfeydd a glustnodwyd yn cael eu sefydlu yn 'seiliedig ar angen' yn unol â'r gofynion a gynlluniwyd neu a ragdybiwyd, a byddant yn destun cymeradwyaeth y Pwyllgor, fel arfer fel rhan o adroddiad blynyddol ar y cronfeydd sy'n rhan o'r adroddiad diwedd blwyddyn.

Yn achos pob cronfa, bydd y Cyngor yn diffinio:-

Pwrpas y gronfa;

Sut a phryd y gellir defnyddio'r gronfa;

Gweithdrefnau ar gyfer rheoli'r gronfa;

Proses ac amserlen ar gyfer adolygu'r gronfa er mwyn sicrhau perthnasedd a digonolrwydd parhaus. Fel rheol bydd hyn yn digwydd ar ddiwedd y flwyddyn.

## **7. Defnyddio'r Cronfeydd**

Unwaith yn unig y gellir defnyddio'r cronfeydd, ac oherwydd hynny ni ddylid eu defnyddio fel arfer i ariannu gwariant cylchol a gynlluniwyd - er enghraifft ni fyddai'n ddisgwyliedig iddynt gael eu defnyddio i 'fantoli'r gyllideb' heblaw o dan amgylchiadau eithriadol.

Pan fo cronfeydd yn cael eu defnyddio i gefnogi gweinyddu'r gyllideb yn ystod unrhyw flwyddyn benodol, er enghraifft i leihau effaith amrywiadau cyllidebu neu wasgfeydd yn ystod nifer o flynyddoedd, dylai'r Cyngor sicrhau bod y cronfeydd yn cael eu hailgyflenwi yn ystod y flwyddyn ganlynol os bydd angen.

Pan fo'r Cyngor wedi defnyddio cronfeydd cyffredinol at ddibenion buddsoddi er mwyn cynhyrchu arbedion, fel rheol byddai'r rhain hefyd yn cael eu had-dalu erbyn diwedd y flwyddyn ariannol ganlynol. Mewn amgylchiadau eithriadol, megis lleihau effeithiau tocio gwasanaethau ar ddefnyddwyr a dinasyddion, byddid yn caniatáu mwy o amser i ailgyflenwi, hyd at uchafswm o bedair blynedd, yn unol â'r cylch cynllunio tymor canolig.

Bydd y defnydd o Gronfeydd Cyffredinol yn ddarostyngedig i gymeradwyaeth y Swyddog Adran 151, a'r Pwyllgor Gweithredol mewn rhai amgylchiadau. Hefyd, bydd creu cronfeydd a glustnodwyd yn ddarostyngedig i gymeradwyaeth y Swyddog Adran 151, a phan fo'r gymeradwyaeth honno wedi cael ei rhoi, gellir tynnu arian o'r gronfa yn ddarostyngedig i fodloni'r meini prawf.

Mewn amgylchiadau eithriadol, pan fo cronfeydd cyffredinol wedi cael eu gwagio o ganlyniad i bwysau anrhagweladwy ar wariant yn ystod unrhyw flwyddyn ariannol benodol, byddai'r Cyngor yn gallu tynnu arian o'i gronfeydd a glustnodwyd er mwyn darparu adnoddau tymor byr, ond ni fyddai hynny'n gynaliadwy, a byddai angen adfer y balansau.

Ni fyddai cronfeydd a glustnodwyd sydd wedi'u defnyddio i dalu am rwymedigaeth benodol yn cael eu hailgyflenwi, ar ôl cyflawni'r diben y'u sefydlwyd ar ei gyfer yn wreiddiol.

## **8. Cronfeydd Gwasanaethau**

Cyfunwyd cronfeydd gwasanaethau unigol i greu un Gronfa Gwasanaeth Gorfforaethol, a nawr gall gwasanaethau unigol gyflwyno cynigion / bidiau ar gyfer defnyddio'r cronfeydd a ddelir yn y Gronfa.

Bydd y defnydd o'r Gronfa Gwasanaeth Gorfforaethol hon yn ddarostyngedig i gymeradwyaeth y Swyddog Adran 151, y Deilydd Portffolio Cyllid neu'r Pwyllgor Gwaith mewn rhai amgylchiadau. Pan roddir y gymeradwyaeth hon, gellir tynnu arian o'r gronfa.

## **9. Cronfeydd Cyfalaf**

Mae'r rhaglen gyfalaf ar gyfer 2016/17 yn defnyddio'r holl gronfeydd sydd ar gael yn llawn hyd at y lefel lleiafswm. Hyd yma, nid yw derbyniadau cyfalaf gwerthiant asedau strategol disgwylledig yn y dyfodol wedi cael eu cynnwys yn y rhaglen gyfalaf.

Mae strategaethau rheoli asedau da yn cynnwys ailgyflenwi asedau yn dilyn gwerthiant asedau strategol, fel y bydd yna asedau o werth strategol ar y fantolen ar gyfer blynyddoedd y dyfodol.

Mae'r derbyniadau cyfalaf a ddaw o werthiant asedau strategol o'r fath yn ffynhonnell werthfawr o arian cyfalaf ond, yn yr un modd, mae angen ail-fuddsoddi cyfran o'r derbyniadau hyn naill ai ar gyfer enillion referniw neu ar gyfer buddsoddi mewn asedau eraill a fydd, gydag amser, yn cynyddu yn eu gwerth ac yn ffurfio rhan o arian cyfalaf blynyddoedd y dyfodol.

Dylid clustnodi cyfran o'r holl dderbyniadau cyfalaf o asedau strategol ar gyfer ei hail-fuddsoddi, naill ai ei buddsoddi er mwyn creu ffynonellau cyllid yn y dyfodol neu er mwyn creu ffrwd o incwm referniw.

Bydd cronfa Buddsoddi Cyfalaf yn cael ei chreu ac, ar ôl derbyn enillion o werthiannau, bydd cyfran yn cael ei ychwanegu i'r gronfa hon. Bydd cynlluniau cyfalaf sydd naill ai yn cynnig ail-fuddsoddi mewn asedau neu ffrydiau incwm referniw yn cael eu hystyried ar gyfer eu hariannu gan y gronfa hon a glustnodwyd, er mwyn ategu cynlluniau'r rhaglen gyfalaf bresennol a ariennir gan gronfeydd derbyniadau cyfalaf cyffredinol.

Yn yr un modd, bydd y cronfeydd cyfalaf a glustnodwyd ar gyfer Gorchmynion Prynu Gorfodol yn cael eu hailgyflenwi gan y derbyniadau cyfalaf a ddaw o werthu'r eiddo a brynwyd. Yna bydd hyn yn sylfaen i gronfa dreigl ar gyfer y gorchmynion prynu gorfodol a roddir.

## **10. Cronfa Yswiriant**

Cafodd ffigur y gronfa yswiriant ei gynyddu'n hanesyddol dros gyfnod o amser er mwyn talu am golledion o dan y polisiau yswiriant mwy. Bydd lefel y Gronfa Yswiriant yn cael ei hadolygu yn flynyddol o leiaf gan y Rheolwr Risg ac Yswiriant ac yn destun cymeradwyaeth y Swyddog Adran 151.

## BALANSAU HYD YMA

## ATODIAD B

Cyfadran	Cronfa	Categori	Cyfanswm Hyd Yma	A yw'r gronfa yma'n debygol o gael ei wario'n llawn yn ystod 2016/17	Yw cais i ddwyn ymlaen i 2017/18 yn debygol, os felly, pa werth?	Cyfanswm a Ragwelir
Gwasanaethau Plant – Gwasanaethau Lleoli Plant	Buddsoddi i Arbed Gwasanaeth Lleoli Plant	<b>CLUSTNODWYD</b>	45,420.00	YDYW	AMHERTHNASOL	0.00
Gwasanaethau Cymunedol – Gwasanaethau Tai	Pobl Fregus Corfforaethol	<b>CLUSTNODWYD</b>	700,000.00	NAC YDYW	YDYW	700,000.00
Gwasanaethau Cymunedol – Gwasanaethau Tai	Tai – Arian Wrth Gefn Gwasanaeth Oedolion	<b>CLUSTNODWYD</b>	911,944.50	NAC YDYW	YDYW – Defnyddir y balans i gyllido prosiectau Cefnogi Pobl a talu am weinyddu'r cynllun.	911,944.50
Corfforaethol	Cyfraniadau Refeniw na chymhwyswyd	<b>GWARIANT CYFALAF</b>	1,071,415.87	NAC YDYW	Cynlluniau prosiet yn pontio mwy nag un blwyddyn ariannol.	945,934.31
Corfforaethol	Cost newid	<b>CLUSTNODWYD</b>	502,156.22	NAC YDYW	Angen gwaith pellach ar y gronfa yma i nodi'r swm, os oes rhywfaint, y gellir ei roi yn ôl i'r Cronfeydd Wrth Gefn Cyffredinol. Nodir hyn yn y papur ar Gronfeydd Wrth Gefn yn y Datganiad Cyfrifon ym Mehefin/ Gorrffennaf 2017.	462,156.22
Corfforaethol	Ail-lansio Civica, Tîm Lejer Newydd	<b>CLUSTNODWYD</b>	685.14	YDYW	AMHERTHNASOL	0.00
Corfforaethol	Arfarnu Swyddi	<b>ARFARNU SWYDDI A TÂL CYFARTAL</b>	686,912.00	NAC YDYW	Ffurio rhan o'r Gronfa Wrth Gefn ar gyfer Hawliadau Tâl Cyfartal.	686,911.87
Corfforaethol - Adnoddau	Datblygu'r System Civica a'r Gweithgareddau ariannol cysylltiedig	<b>CLUSTNODWYD</b>	21,592.23	YDYW	AMHERTHNASOL	21,592.23
Corfforaethol - Adnoddau	Cronfa Yswiriant (Trychineb)	<b>CRONFA YSWIRIANT</b>	1,250,000.00	NAC YDYW	YDYW – ystyrir gan y Rheolwr Yswiriant fod lefel yr arian wrth gefn yn dderbyniol ar gyfer Awdurdod o'n maint.	1,250,000.00

Cyfadrn	Cronfa	Categori	Cyfanswm Hyd Yma	A yw'r gronfa yma'n debygol o gael ei wario'n llawn yn ystod 2016/17	Yw cais i ddwyn ymlaen i 2017/18 yn debygol, os felly, pa werth?	Cyfanswm a Ragwelir
Corfforaethol	Cronfa Wrth Gefn Gwasanaeth	<b>CLUSTNODWYD</b>	93,500.00	NAC YDYW	YDYW	93,500.00
Busnes y Cyngor – Cyfreithiol	Prynu System Rheoli Achosion Cyfriethiol newydd (rhanbarthol)	<b>CLUSTNODWYD</b>	30,000.00	Nac Ydyw. Bydd cynlluniau TGCh ar gyfer cychwyn ar yr uwchraddio yng nghanol Mawrth 2017 ar y cynhara, felly, bydd yn pontio mwy nag 1 blwyddyn ariannol.	O leiaf £25k, ond caniatâu ar gyfer hapddigwyddiadau	25,000.00
Busnes y Cyngor – Cyfreithiol	System gyfrifiadurol Pridiannau Tir	<b>CLUSTNODWYD</b>	8,100.00	Nac ydyw. Gallai profi'r system gymeryd hyd at Ebrill 2017	Dwyn ymlaen beth sy'n weddill ar ddiwedd y flwyddyn ariannol.	8,100.00
Busnes y Cyngor - Polisi	System Rheoli Polisi	<b>CLUSTNODWYD</b>	32,600.00	Nac ydyw. Bydd hyd at £4k yn cael eu anfonebu yn ystod 2016/17.	YDYW - y balans hyd at £32,600.	32,600.00
Busnes y Cyngor - Polisi	Gwe-ddarlledu	<b>GRANT</b>	8,434.00	Bydd yn cael ei ddefnyddio i dalu am y gwasanaeth 2016/17	Dwyn ymlaen beth sy'n weddill – ac fe'i ddefnyddir yn 2017/18	8,434.00
Priffyrdd, Eiddo, Gwastraff – Priffyrdd	Cronfa Grantiau Cyfyngedig Priffyrdd – Grant Llifogydd	<b>CYFYNGEDIG</b>	36,473.34	NAC YDYW	Dwyn ymlaen £36,473.34 oherwydd oediadau'n cwblhau gweithfeydd FLWMA – gweithio mewn partneriaeth â Chonwy.	36,473.34
Priffyrdd, Eiddo, Gwastraff – Priffyrdd	Cronfa Grantiau Cyfyngedig Priffyrdd - Grant Llwybyr Arfordirol	<b>CYFYNGEDIG</b>	7,552.68	NAC YDYW	Dwyn ymlaen £7,552.68, dal y cyllid i brintio'r fersiwn nesaf o Canllaw Llwybr Arfordirol Ynys Môn ac amryw bamffledi.	7,552.68

Cyfadran	Cronfa	Categori	Cyfanswm Hyd Yma	A yw'r gronfa yma'n debygol o gael ei wario'n llawn yn ystod 2016/17	Yw cais i ddwyn ymlaen i 2017/18 yn debygol, os felly, pa werth?	Cyfanswm a Ragwelir
Priffyrdd, Eiddo, Gwastraff – Priffyrdd	Cronfa Grantiau Cyfyngedig Priffyrdd – Incwm Maes Parcio Maes Awyr	<b>CYFYNGEDIG</b>	6,406.21	NAC YDYW	Dwyn ymlaen £6,406.21 – LIC sy'n berchen y cyllid ac fe'i ddefnyddir ar gyfer amryw weithfeydd ym Maes Awyr Môn.	6,406.21
Priffyrdd, Eiddo, Gwastraff – Rheoli Gwastraff	Cronfa Gyfyngedig Eiddo - Mân-ddaliadau	<b>CYFYNGEDIG</b>	1,927.51	NAC YDYW	Dwyn ymlaen £1,927.51 – balans incwm Mân-ddaliadau, ac fe'i ddefnyddir i gyllido gwelliannau pellach.	1,927.51
Priffyrdd, Eiddo, Gwastraff – Rheoli Gwastraff	Safle Penhesgyn	<b>CYFYNGEDIG</b>	2,000,000.00	NAC YDYW	Dwyn ymlaen £2m – ei gadw rhag ofn bydd ceuffos yn cwmpo o dan Tip Penhesgyn neu os bydd NRW yn newid eu polisi.	2,000,000.00
Priffyrdd, Eiddo, Gwastraff – Rheoli Gwastraff	Gwario i Arbed – Toiledau Cyhoeddus	<b>CLUSTNODWYD</b>	72,600.00	Gwaith yn dechrau'n fuan, dylai fod wedi ei wario i gyd.	NAC YDYW - oni bai fod oediadau annisgwyl.	0.00
Priffyrdd, Eiddo, Gwastraff – Rheoli Gwastraff	Cronfa Gwastraff/Ailgylchu	<b>GRANT</b>	323,681.14	NAC YDYW	Dwyn ymlaen y swm gyfan – Cyllid yw hwn a dderbyniwyd gan LIC ar gyfer dibenion ailgylchu. Disgwylir bydd y rhan fwyaf o'r swm yn cael ei wario yn ystod 2017/18 i brynu mwy o flychau troli ailgylchu.	323,681.14
Priffyrdd, Eiddo, Gwastraff – Rheoli Gwastraff	Gwaith Trîn Gogledd Orllewin Cymru	<b>CYFYNGEDIG</b>	1,306,249.82	NAC YDYW – ond bydd rhagor o wariant flwyddyn yma (£80k).	Dwyn ymlaen y swm gyfan – bydd gwario sylweddol yn ystod y 3 mlynedd nesaf wrth i'r gwaith trin Ynni o Wastraff gael ei adeiladu.	1,306,249.82

Cyfadrn	Cronfa	Categori	Cyfanswm Hyd Yma	A yw'r gronfa yma'n debygol o gael ei wario'n llawn yn ystod 2016/17	Yw cais i ddwyn ymlaen i 2017/18 yn debygol, os felly, pa werth?	Cyfanswm a Ragwelir
Priffyrdd, Eiddo, Gwastraff – Rheoli Gwastraff	Incwm Proses Ailgylchu	<b>CYFYNGEDIG</b>	382,738.60	NAC YDYW – ond defnyddir £100k ar gyfer gorwariant tebygol yn ystod 2016/17.	Dwyn ymlaen y swm gyfan – Grant Amgylchedd Sengl (GAS) ar gyfer 2017/18 wedi cael ei dorri 6.7% ar ôl gosod y gyllideb, gan olygu diffyg o £120k. Dylid gadw'r gronfa wrth gefn yma ar gyfer diffygion yn y GAS a fydd yn parhau i gael ei dorri yn y dyfodol. Dylid defnyddio unrhyw warged i brynu mwy o droliâu ailgylchu.	382,738.60
Priffyrdd, Eiddo, Gwastraff – Priffyrdd	Maes Awyr Priffyrdd	<b>CYFYNGEDIG</b>	93,990.02	NAC YDYW	Dwyn ymlaen £6,406.21 - LIC sy berchen y cyllid ac fe'i ddefnyddir ar gyfer amryw weithfeydd ym Maes Awyr Môn.	6,406.21
Priffyrdd, Eiddo a Gwastraff – Eiddo	Risg Adeiladu – Cynnal a Chadw	<b>CLUSTNODWYD</b>	3,337.22	NAC YDYW	Dwyn ymlaen y swm gyfan.	3,337.22
Priffyrdd, Eiddo a Gwastraff - Eiddo	Rhesymoli Rheoli Asedau	<b>CLUSTNODWYD</b>	99,516.86	NAC YDYW	Dwyn ymlaen beth bynnag sydd heb ei wario gan fod prosiectau'n pontio mwy nag un blwyddyn ariannol.	99,516.86
Tai	Darpariaeth Digartrefedd	<b>CLUSTNODWYD</b>	92,700.00	NAC YDYW	Y swm a ragwelir i'w ddwyn ymlaen - £67,750	67,750.00
Tai	Gwelliannau Tenant Landlord	<b>CLUSTNODWYD</b>	15,000.00	NAC YDYW	Y swm a ragwelir i'w ddwyn ymlaen - £5,000	5,000.00
Tai	Tai Fforddiadwy	<b>CLUSTNODWYD</b>	117,500.00	NAC YDYW	Y swm a ragwelir i'w ddwyn ymlaen - £94,000	94,000.00

Cyfadran	Cronfa	Categori	Cyfanswm Hyd Yma	A yw'r gronfa yma'n debygol o gael ei wario'n llawn yn ystod 2016/17	Yw cais i ddwyn ymlaen i 2017/18 yn debygol, os felly, pa werth?	Cyfanswm a Ragwelir
Tai	Rheoli Tai	<b>CLUSTNODWYD</b>	56,300.00	NAC YDYW	Y swm a ragwelir i'w ddwyn ymlaen - £49,000	49,000.00
Dysgu – Addysg	Cronfa Dyddiau Ysgol	<b>CYFYNGEDIG</b>	-66,860.00	Mae'n rhaid dwyn rhain ymlaen gan fe'y dirprwywyd i ysgolion.	YDYW – y balans llawn. Cronfa ddirprwyedig i'r holl ysgolion yw hwn ac fe'i ddefnyddir i wneud iawn am amrywiadau rhwng y flwyddyn ysgol yn ddibynnol ar pryd mae Pasg yn disgyn o fewn y calendr. Mae'r gronfa mewn diffyg ac ni ddefnyddir i wneud iawn am ddiwrnodau ychwanegol, ond bydd yn cael ei ychwanegu at y blynyddoedd pan mae diwrnodau ysgol yn gostwng, hyd nes fydd y gronfa'n cael ei chlirio, yn dilyn hynny ni fydd angen cronfa wrth gefn rhagor. Bydd y balans diffyg yn parhau tu hwnt i 2016/17.	-66,860.00
Dysgu - Addysg	Cynllun Atgyweiriadau a Cynnal a Chadw - Cynradd	<b>CYFYNGEDIG</b>	51,547.26	Anhysbys. Mae'n rhaid dwyn rhain ymlaen gan fe'y dirprwywyd i ysgolion.	YDYW – y balans llawn - cyllideb ddirprwyedig yw hwn.	51,547.26
Dysgu - Addysg	Cynllun Salwch/Hysbysebu – Cynradd	<b>CYFYNGEDIG</b>	61,739.57	Anhysbys. Mae'n rhaid dwyn rhain ymlaen gan fe'y dirprwywyd i ysgolion.	YDYW – y balans llawn - cyllideb ddirprwyedig yw hwn.	61,739.57
Dysgu - Addysg	Cronfa Cyllid Ôl 16 ELWA	<b>CYFYNGEDIG</b>	0.00		YDYW – y balans llawn - cyllideb ddirprwyedig yw hwn.	0.00

Cyfadran	Cronfa	Categori	Cyfanswm Hyd Yma	A yw'r gronfa yma'n debygol o gael ei wario'n llawn yn ystod 2016/17	Yw cais i ddwyn ymlaen i 2017/18 yn debygol, os felly, pa werth?	Cyfanswm a Ragwelir
Dysgu - Addysg	Rhesymoli Ysgolion	<b>CYFYNGEDIG</b>	1,082,885.64	Disgwylir bydd y gronfa yma'n gostwng £290k erbyn diwedd y flwyddyn ariannol.	YDYW – y balans llawn - cyllideb ddirprwyedig yw hwn.	792,885.64
Dysgu Gydol Oes - Diwylliant	Estyn Allan y Gogledd	<b>CLUSTNODWYD</b>	2,643.11	Bydd angen dwyn hwn ymlaen gan ei fod wedi ei ddyrannu ar gyfer gweithgareddau penodol wedi eu hamserlennu.	YDYW	2,643.11
Dysgu Gydol Oes - Diwylliant	Cronfa Prynu'r Amgueddfa	<b>CYFYNGEDIG</b>	19,167.12	Hwn yw arian a godwyd drwy gyfraniadau i'r Oriel a ni ellir ei ddefnyddio tuag at unrhyw bwrpas arall.	YDYW – y balans llawn. Cyllid wedi ei amgáu yw hwn o roddion a ni ellir ei ddefnyddio ar gyfer unrhyw bwrpas arall.	19,167.12
Dysgu Gydol Oes – Addysg	Buddsoddi i Arbed – system talu ar-lein awtomotaidd i ysgolion ar gyfer taliadau am brydau	<b>CLUSTNODWYD</b>	50,000.00	Bydd unai'n cael ei wario'n llawn yn ystod y flwyddyn ariannol yma, neu, os ddim, bydd yn cael ei wario erbyn diwedd y flwyddyn academaidd.	Bydd angen dwyn ymlaen unrhyw gyllideb sy'n weddill, hyd at ddiwedd y flwyddyn academaidd.	50,000.00

Cyfadran	Cronfa	Categori	Cyfanswm Hyd Yma	A yw'r gronfa yma'n debygol o gael ei wario'n llawn yn ystod 2016/17	Yw cais i ddwyn ymlaen i 2017/18 yn debygol, os felly, pa werth?	Cyfanswm a Ragwelir
Rheoleiddio – Cynllunio a Gwarchod y Cyhoedd	Cronfa Trwydded	<b>CLUSTNODWYD</b>	23,000.00	NAC YDYW - £0	<p>£23,000 – cronfa wrth gefn wedi ei chlustnodi i brosiect TG sydd i ddigwydd yn 2017/18.</p> <p>Mae angen i Warchod y Cyhoedd foderneiddio a diweddarau eu cronfa ddata er mwyn mabwysiadu'n llawn athroniaeth Gweithio'n Gallach. Bydd angen adnoddau ychwanegol i uwchraddio neu newid y gronfa ddata bresennol ac, er fod rhywfaint o gyllid wedi cael ei ddarparu, clustnodwyd y gronfa wrth gefn yma yn flaenorol i uwchraddio cronfa ddata Drwyddedu a bydd yr uwchraddio arfaethedig newydd yma'n helpu cyflawni'r diben gwreiddiol. Bydd y swyddog prosiect yn cychwyn yn Ebrill 2017.</p>	23,000.00
Rheoleiddio – Cynllunio	Grant PIF	<b>GRANT</b>	12,870.64	Ydyw, defnyddir y gronfa yn ystod y flwyddyn ariannol 2016/17	AMHERTHNASOL	0.00
Rheoleiddio – Cynllunio a Gwarchod y Cyhoedd	Cynllun Datblygu Lleol	<b>CLUSTNODWYD</b>	208,190.00	Anhebyg i'w wario'n llawn gan fod y broses Cynllun Datblygu Lleol yn parhau hyd at Gwanwyn 2017.	Bydd angen dwyn ymlaen y mwyafrif o'r gronfa wrth gefn i'r flwyddyn ariannol 2017/18. Mae ei angen ar gyfer gwaith parhaus.	208,190.00

Cyfadran	Cronfa	Categori	Cyfanswm Hyd Yma	A yw'r gronfa yma'n debygol o gael ei wario'n llawn yn ystod 2016/17	Yw cais i ddwyn ymlaen i 2017/18 yn debygol, os felly, pa werth?	Cyfanswm a Ragwelir
Rheoleiddio – Cynllunio a Gwarchod y Cyhoedd	Cronfa Prynu Gyda Hyder	<b>CLUSTNODWYD</b>	6,240.00	Mae angen ei gadw gan y sywddogaeth Gwarchod y Cyhoedd.	Bydd angen dwyn ymlaen y mwyaf o'r gronfa wrth gefn i'r flwyddyn ariannol 2017/18. Mae ei angen ar gyfer gwaith parhaus.	6,240.00
Rheoleiddio - Cynllunio a Gwarchod y Cyhoedd	Cynllunio	<b>CLUSTNODWYD</b>	25,000.00	Ydyw, defnyddir y gronfa yn ystod blwyddyn ariannol 2016/17 i falansio cyllidebau staffio yn dilyn ail-raddio Arfarnu Swyddi.	AMHERTHNASOL	0.00
Rheoleiddio a Datblygu Economaidd – Economaidd	Cronfa Prosiectau'r UE	<b>CLUSTNODWYD</b>	50,000.00	NAC YDYW - £0	YDYW – bydd angen dwyn ymlaen y swm gyfan (£50,000) i'r flwyddyn ariannol 2017/18. Mae wedi ei ddyrannu fel darpariaeth rhag ofn bydd Archwiliad Prosiectau Ewropeaidd, a allai ddigwydd rhwng rwan a 2024.	50,000.00
Rheoleiddio a Datblygu Economaidd – Economaidd	Datblygiadau Mawr	<b>CLUSTNODWYD</b>	198,387.10	NAC YDYW - £0	YDYW – bydd angen cadw'r swm gyfan (£198,387.10). Dyranwyd y gronfa wrth gefn eisoes i'r broses Caniatadau DCO a fydd yn cymryd lle yn ystod y flwyddyn ariannol 2017/18.	198,387.10

Cyfadran	Cronfa	Categori	Cyfanswm Hyd Yma	A yw'r gronfa yma'n debygol o gael ei wario'n llawn yn ystod 2016/17	Yw cais i ddwyn ymlaen i 2017/18 yn debygol, os felly, pa werth?	Cyfanswm a Ragwelir
Rheoleiddio a Datblygu Economaidd – Economaidd	Cronfa Datblygu Economaidd - Ynys Ynni	<b>CLUSTNODWYD</b>	213,132.85	Dim yn llawn, tua £60k ar hyn o bryd (yn dibynol ar anfonebau heb eu derbyn eto)	YDYW – bydd angen cadw oddeutu £60,000 ar gyfer y flwyddyn ariannol 2017/18. Bydd yr holl gyllideb sydd heb ei wario yn 2016/17 yn cael ei ddwyn ymlaen.	60,000.00
Rheoleiddio a Datblygu Economaidd – Economaidd	Cronfa Cyfyngedig Datblygu Economaidd	<b>CLUSTNODWYD</b>	37,115.78	NAC YDYW - £0	YDYW – bydd angen dwyn ymlaen y gronfa wrth gefn gyfan (£37,115.78) i'r flwyddyn ariannol 2017/18. Mae wedi ei ddyrannu fel darpariaeth rhag ofn bydd Archwiliad SETS, a allai ddigwydd rhwng rwan a 2024.	37,115.78
Rheoleiddio a Datblygu Economaidd - Hamdden	Cronfa Gwelliannau Hamdden	<b>CLUSTNODWYD</b>	173,600.24	Ydyw, fe'i defnyddir i dalu am Welliannau Cyfalaf yng Nghanolffannau Hamdden Plas Arthur ac Amlwch sydd wedi eu gwneud eisoes.	AMHERTHNASOL	0.00
Rheoleiddio a Datblygu Economaidd – Hamdden	Cynllun Cynnal a Chadw Canolfan Hamdden	<b>CLUSTNODWYD</b>	2,941.00	Defnyddir tuag at atgyweiriadau a cynnal a chadw y safleoedd treftadaeth amgueddfeydd ac Oriolau. Mae'n debygol y'i defnyddir yn llawn cyn diwedd y flwyddyn ariannol.	Dwyn ymlaen unrhywbeth sydd heb ei wario gan fod prosiectau'n pontio mwy nag un flwyddyn ariannol.	2,941.00

Cyfadran	Cronfa	Categori	Cyfanswm Hyd Yma	A yw'r gronfa yma'n debygol o gael ei wario'n llawn yn ystod 2016/17	Yw cais i ddwyn ymlaen i 2017/18 yn debygol, os felly, pa werth?	Cyfanswm a Ragwelir
Adnoddau	Refeniw a Budd-daliadau	<b>CLUSTNODWYD</b>	90,870.00	Nac ydyw – gwaith wedi cychwyn ac fe wneir ychydig o wariant, fodd bynnag, bydd y rhan fwyaf o'r gwariant yn ystod 2017/18.	YDYW	90,870.00
Adnoddau - Caffael	Swyddog Caffael Dros Dro	<b>CLUSTNODWYD</b>	33,620.44	Nac Ydyw	Effaith Blwyddyn Rhannol, felly, bydd angen ei ddwyn ymlaen i 2017/18.	20,000.00
Adnoddau – Refeniw a Budd-daliadau	Staff Refeniw a Budd-daliadau	<b>CLUSTNODWYD</b>	27,000.00	Nac Ydyw	YDYW - gwaith yn pontio mwy nag un blwyddyn ariannol.	27,000.00
Gwas. Cym. – Gwasanaethau Oedolion – lechyd Meddwl	Cronfa Adran 117	<b>CYFYNGEDIG</b>	150,000.00	Nac Ydyw	£150,000.00	150,000.00
Gwas. Cym. – Gwasanaethau Oedolion a Phlant	Trawsnewid	<b>CLUSTNODWYD</b>	228,134.10	Nac Ydyw	£195,546.46	195,546.46
Trawsnewid – AD	Camddefnyddio Sylweddau Cymdeithasol	<b>CLUSTNODWYD</b>	54,000.00	Nac Ydyw	I'w adolygu	0.00
Trawsnewid – AD	SCWDP	<b>GRANT</b>	40,430.17	YDYW	YDYW – Y gwerth cyfan.	40,430.17
Trawsnewid – AD	Hyfforddiant Gweithio'n Gallach	<b>CLUSTNODWYD</b>	30,000.00	Mae rhan o hwn yn cyllido'r deilydd sywdd e-ddysgu hyd at 31 Mawrth 2017 ac mae angen trosglwyddo'r gweddill i 2017/18 ar gyfer yr un pwrpas.	YDYW – y cyllid gweddillol i'w drosglwyddo i gyllideb staffio 2017/18 ar gyfer AD i alluogi'r swydd cydlynedd e-ddysgu gael ei chyllido.	15,000.00
Trawsnewid – TGCh	Costau Trosi PSBA	<b>CLUSTNODWYD</b>	38,266.74			38,266.74
			<b>12,822,655.00</b>			<b>11,610,322.67</b>

